

Landsframleiðslan á 2. ársfjórðungi 2008

Quarterly National Accounts, 2nd quarter 2008

Samantekt

Landsframleiðsla er talin hafa vaxið um 5% að raungildi á 2. fjórðungi ársins 2008 frá sama fjórðungi árið áður. Á sama tíma má ætla að þjóðarútgjöld hafi dregist saman um 8% þar sem einkaneysla dróst saman um rösklega 3% og fjárfesting um tæp 26%. Samneysla óx hins vegar um tæp 4%. Þá er talið að útflutningur hafi vaxið um 25% en innflutningur hafi dregist saman um 12%. Þessi þróun veldur því að verulega dró úr halla á vöru- og þjónustuviðskiptum samanborið við 2. ársfjórðung 2007 og skýrir þessi mikli bati vöxt landsframleiðslunnar á sama tíma og þjóðarútgjöld dragast saman.

Árstíðaleiðrétt landsframleiðsla sýnir 4,9% vöxt frá 1. ársfjórðungi 2008 til 2. ársfjórðungs 2008. Þar af dróst einkaneysla saman um 5,9% og þjóðarútgjöld um 4,8% en útflutningur óx hins vegar um 13,6% frá fyrra ársfjórðungi.

Landsframleiðslan á 1. og einkanlega á 2. ársfjórðungi þessa árs ber þess glögg merki að álframleiðsla Fjarðaáls kemur nú inn. Stækkun Norðuráls hefur einnig sitt að segja. Afar lauslega má áætla að þessi framleiðsluaukning auki hagvöxt á 2. fjórðungi um rösk 2% og um ½ til 1% á 1. fjórðungi.

Minni einkaneysla

Einkaneysla er talin hafa dregist saman um 3,2% á 2. ársfjórðungi 2008 frá sama tíma árið áður. Þetta er verulegur viðsnúningur frá því sem verið hefur á síðustu þremur ársfjórðungum, þegar einkaneysla óx á bilinu 6 til 8%. Samdráttur í einkaneyslu má að stórum hluta rekja til minni bílakaupa, en þau drógust saman um rúm 40%, svo og til minni útgjalda Íslendinga erlendis en þau drógust saman um rúm 16%. Kaup á ýmsum öðrum innfluttum vörum, svo sem húsgögnum og raftækjum drógust einnig saman.

Fjárfesting dróst verulega saman

Fjárfesting hélt áfram að dragast saman og er hún talin hafa minnkað um 25,8% á 2. ársfjórðungi 2008 frá sama tíma árið áður. Fjárfesting atvinnuveganna dróst saman um 30,6%, fjárfesting í íbúðarhúsnæði um 26,8% og fjárfesting hins opinbera um 1,7%. Samdrátturinn í fjárfestingu atvinnuveganna skýrist einkum af minni fjárfestingu í stóriðjuverum, en fjárfesting í þeim náði hámarki árið 2006. Einnig dróst fjárfesting í flugrekstri saman vegna þess að sala á flugvélum var meiri en kaup. Samdrátturinn í fjárfestingu hins opinbera skýrist einkum af minni gatnaframkvæmdum sveitarfélaga vegna minni eftirspurnar eftir byggingarlóðum.


Samdráttur þjóðarútgjalda

Samneysla er talin hafa aukist um 3,8% á 2. ársfjórðungi miðað við sama tíma árið áður. Þetta er svipaður vöxtur og verið hefur á undanförunum ársfjórðungum. Samdráttur í einkaneyslu og fjárfestingu valda því að þjóðarútgjöld eru talin hafa dregist saman um 8% á 2. ársfjórðungi miðað við sama tíma árið áður.



Mynd 1. Landsframleiðsla, breyting frá sama ársfjórðungi fyrra árs

Figure 1. GDP, volume changes on same quarter in the previous year




Skýring Note: Bráðabirgðatölur fyrir árin 2006–2008. Preliminary figures 2006–2008.

Dregur úr halla á vöru- og þjónustuviðskiptum

Vöruútflutningur jókst um 41,1% á fjórðungnum en útflutningur á þjónustu dróst saman um 4,9%, í heildina jókst útflutningur um 24,9%. Aukning í vöruútflutningi skýrist m.a. af mikilli aukningu á útflutningi afurða stóriðju en einnig auknum útflutningi sjávarafurða, en jafnframt var mun meira flutt út af flugvélum á 2. ársfjórðungi í ár en í fyrra. Innflutningur á vöru dróst saman um 9,5% og innflutningur á þjónustu um 17% á 2. fjórðungi ársins. Í heild dróst innflutningur saman um 12% á fjórðungnum.

Mynd 2. Landsframleiðsla, keðjutengt verðmæti, viðmiðunarár 2000

Figure 2. GDP, chain-volume measures, reference year 2000



Skýring Note: Bráðabirgðatölur fyrir árin 2006–2008. Preliminary figures 2006–2008.

Hagvöxtur þrátt fyrir samdrátt þjóðarútgjalda

Aukinn útflutningur og samdráttur í innflutningi veldur því að verulega dró úr halla á vöru- og þjónustuviðskiptum á 2. ársfjórðungi miðað við sama tíma árið áður. Hallinn nam rúmum 12 milljörðum króna á 2. ársfjórðungi 2008 samanborið við tæpa 42 milljarða árið áður. Þessi mikli bati veldur því að landsframleiðsla á 2. ársfjórðungi er talin aukast um 5% þrátt fyrir 8% samdrátt þjóðarútgjalda.

Þessi mikla aukning útflutnings og þar með landsframleiðslu á 1. og einkanlega á 2. ársfjórðungi á að stórum hluta rót sína að rekja til þess að álframleiðsla Fjarðaáls kemur nú inn. Stækkun Norðuráls hefur einnig sitt að segja. Afar lauslega má áætla að þessi framleiðsluaukning auki hagvöxt á 2. fjórðungi um rösk 2% og um ½ til 1% á 1. fjórðungi.

Líkt og verið hefur ná þessir ársfjórðungsreikningar aðeins til landsframleiðslunnar og undirliða hennar. Ekki er lagt mat á breytingu þáttatekna (launa- og eignatekna) til og frá útlöndum og þjóðartekjur eru því ekki reiknaðar. Það er aftur á móti gert við gerð árstalna.

Hagvöxtur fyrstu sex mánuði ársins


Landsframleiðslan fyrstu sex mánuði ársins 2008 nemur 466 milljörðum króna borið saman við 448 milljarða árið 2007, hvort tveggja miðað við fast verðlag ársins 2000. Hagvöxtur fyrstu sex mánuði ársins er því talinn vera 4,1%.

Árstíðaleiðrétt landsframleiðsla

Árstíðaleiðréttar tölur um landsframleiðslu sýna 4,9% vöxt á föstu verðlagi frá 1. fjórðungi 2008 til 2. fjórðungs þessa árs, eftir 1,4% samdrátt á ársfjórðungnum þar á undan. Eins og jafnan gildir um þessar tölur miðast þær við vöxtinn á milli samliggjandi ársfjórðunga, en ekki við sama fjórðung fyrra árs. Árstíðaleiðréttar tölur benda til 5,9% samdráttar í einkaneyslu frá 1. ársfjórðungi 2008, eftir 0,3% samdrátt á fjórðungnum þar á undan. Að teknu tilliti til árstíðabundinna þátta dragast þjóðarútgjöld saman um 4,8% á öðrum fjórðungi þessa árs eftir 0,5% vöxt á fyrsta ársfjórðungi 2008.

Mynd 3. Ársfjórðungsleg breyting landsframleiðslu, árstíðaleiðrétt

Figure 3. Quarterly GDP volume growth, seasonally adjusted



Skýring Note: Bráðabirgðatölur fyrir árin 2006–2008. Raunbreytingar frá fyrra ársfjórðungi. Preliminary figures 2006–2008. Change from the previous quarter.

Birgðabreytingar

Á 2. ársfjórðungi óx útflutningur sjávarafurða um 10% að magni en aflinn dróst saman um 8% og minnkuðu sjávarafurðabirgðir því verulega. Aftur á móti er áætlað að innflutningur á rekstrarvörum til álframleiðslu hafi aukist mun meira en framleiðslan og því hafi birgðir rekstrarvöru aukist.

Keðjutenging

Árleg keðjutenging var tekin upp í þjóðhagsreikningum á Íslandi árið 2005 en í því felst að raunbreytingar þjóðhagsstærða eru reiknaðar á föstu verði næstliðins árs.

Fyrir þann tíma var miðað við fast verð tiltekins árs (grunnárs) við útreikning á magnbreytingum. Kosturinn við keðjutengingu er sá að hún gefur nákvæmari mynd af breytingu á milli ára þar sem magnbreytingin er nú reiknuð sem breytingin á föstu verði fyrra árs í stað grunnárs. Ókostur þeirrar aðferðar sem áður var notuð er sá að notkun grunnárs veldur ónákvæmni því lengra sem líður á milli grunnársins og þess árs sem verið er að reikna. Keðjutenging hefur aftur á móti þann ókost að samtölur stemma ekki við undirliði.

*Ítarleg sundurliðun
er birt á vefnum*

Ítarlega sundurliðun á ársfjórðungsefninu er að finna á vef Hagstofunnar. Þar er fjárfesting eftir ársfjórðungum sundurliðuð í fjárfestingu atvinnuvega, íbúðarhúsnæði og starfsemi hins opinbera. Útflutningi og innflutningi er skipt upp í vörur og þjónustu. Á netinu er einnig að finna allar fjárhæðir á keðjutengdu verðmæti þar sem árið 2000 er viðmiðunarár.

*Tölur um 3. ársfjórðung 2008
verða birtar í desember*

Tölur um landsframleiðsluna á 3. ársfjórðungi 2008 verða birtar með sambærilegum hætti í Hagtíðindum 12. desember 2008.

English summary

In real terms, GDP in the 2nd quarter of 2008 grew by 5% from the same quarter of the previous year. Over the same period total domestic expenditure decreased by 8% in real terms, where household final consumption decreased by 3% and fixed capital formation by 26% while government final consumption, on the other hand, increased by 4%. Exports rose by 25% while imports decreased by 12% in the 2nd quarter of 2008 compared with the same quarter of 2007. This improvement of the balance on trade of goods and services explains the growth in GDP at the same time as total domestic expenditure decreases.

Household final consumption decreased by 3.2% in the 2nd quarter. This decrease is mainly due to a 40% decrease in purchase of vehicles and 16% decrease in expenditure abroad by resident households. Gross fixed capital formation (GFCF) decreased by 25.8% during the period, led by a 30.6% decrease in business sector investment. Residential construction decreased by 26.8% and government services investment by 1.7%.

Seasonally adjusted series show a 4.9% growth in GDP in the 2nd quarter of 2008 after a 1.4% decline in the 1st quarter 2008. Seasonally adjusted figures show a 5.9% decline in household final consumption and a 4.8% decline in gross domestic final expenditure from the 1st to the 2nd quarter of 2008.

The growth rate of GDP and export in the 1st and especially in the 2nd quarter of 2008 can partly be explained by the start up of the Fjarðaál aluminium plant and increased production at the Norðurál aluminium. Roughly estimated around 2% of GDP growth in the 2nd quarter and ½-1% in the 1st quarter originate from this extended aluminium production.

National accounts for the 3rd quarter of 2008 will be published on the 12th of December 2008.

Tafla 1. Landsframleiðsla eftir ársfjórðungum 2004–2008**Table 1. Quarterly Gross Domestic Product (GDP) 2004–2008**

	Einkaneysla <i>Household final consumption</i>	Samneysla <i>Government final consumption</i>	Fjármuna- myndun <i>Gross fixed capital formation</i>	Birgða- breytingar <i>Changes in inventory</i>	Þjóðar- útgjöld <i>National Expenditure</i>	Út- flutningur <i>Exports</i>	Inn- flutningur <i>Imports</i>	Verg lands- framleiðsla <i>GDP</i>
Verðlag hvers árs, millj. króna Million ISK at current prices								
2004	530.672	232.962	218.477	-918	981.194	316.903	-369.208	928.889
1. ársfj. <i>1st quarter</i>	123.458	56.972	47.449	3.412	231.291	73.098	-79.477	224.912
2. ársfj. <i>2nd quarter</i>	132.866	58.327	54.455	-1.108	244.540	75.170	-94.661	225.049
3. ársfj. <i>3rd quarter</i>	132.135	59.315	56.719	-3.595	244.574	90.028	-96.896	237.706
4. ársfj. <i>4th quarter</i>	142.213	58.347	59.854	374	260.788	78.607	-98.174	241.221
2005	610.638	252.617	291.265	-862	1.153.658	324.450	-451.710	1.026.397
1. ársfj. <i>1st quarter</i>	139.625	60.953	59.707	4.068	264.352	72.842	-95.542	241.652
2. ársfj. <i>2nd quarter</i>	156.205	63.073	68.396	-4.904	282.769	88.264	-116.144	254.890
3. ársfj. <i>3rd quarter</i>	152.902	64.403	82.345	2.093	301.742	87.938	-122.460	267.221
4. ársfj. <i>4th quarter</i>	161.906	64.188	80.818	-2.119	304.793	75.406	-117.565	262.635
2006¹	685.623	285.371	393.341	13.498	1.377.833	374.152	-584.098	1.167.887
1. ársfj. ¹ <i>1st quarter¹</i>	161.215	68.829	86.045	3.686	319.776	77.727	-123.758	273.744
2. ársfj. ¹ <i>2nd quarter¹</i>	176.991	71.325	95.080	792	344.188	102.501	-156.986	289.703
3. ársfj. ¹ <i>3rd quarter¹</i>	170.103	72.102	100.534	6.765	349.504	103.492	-151.540	301.455
4. ársfj. ¹ <i>4th quarter¹</i>	177.314	73.114	111.681	2.255	364.365	90.433	-151.814	302.984
2007¹	749.031	316.823	356.887	6.626	1.429.367	451.743	-587.943	1.293.167
1. ársfj. ¹ <i>1st quarter¹</i>	170.475	77.397	78.578	1.546	327.996	109.734	-132.883	304.847
2. ársfj. ¹ <i>2nd quarter¹</i>	190.321	79.307	93.492	1.100	364.220	106.590	-148.545	322.265
3. ársfj. ¹ <i>3rd quarter¹</i>	188.221	79.430	100.843	4.089	372.583	106.521	-145.069	334.034
4. ársfj. ¹ <i>4th quarter¹</i>	200.015	80.689	83.974	-109	364.568	128.898	-161.446	332.020
2008¹	...	...	...	...	...	...	...	...
1. ársfj. ¹ <i>1st quarter¹</i>	193.873	85.308	79.968	2.234	361.383	113.743	-150.825	324.301
2. ársfj. ¹ <i>2nd quarter¹</i>	209.559	88.482	84.290	165	382.496	174.931	-186.589	370.839

Skýring Note: Frá 1. ársfjórðungi 2004 hefur Hagstofan tekið inn birgðabreytingar í olíu en fyrir þann tíma lágu þær ekki fyrir. *Since first quarter of 2004 Statistics Iceland has compiled figures for changes in inventory of oil but prior to that no figures were available.*

¹ Bráðabirgðatölur. *Preliminary figures.*

Tafla 2. Ársbreyting landsframleiðslu eftir ársfjórðungum 2004–2008*Table 2. Annual GDP volume growth 2004–2008*

	Einkaneysla <i>Household final consumption</i>	Samneysla <i>Government final consumption</i>	Fjármuna- myndun <i>Gross fixed capital formation</i>	Birgða- breytingar ¹ <i>Changes in Inventory¹</i>	Þjóðar- útgjöld <i>National Expenditure</i>	Út- flutningur <i>Exports</i>	Inn- flutningur <i>Imports</i>	Verg lands- framleiðsla <i>GDP</i>
Raunbreytingar frá sama tímabili árið áður, % <i>Volume change on the same quarter of the previous year, %</i>								
2004	7,0	2,2	28,1	0,1	9,9	8,4	14,5	7,7
1. ársfj. <i>1st quarter</i>	6,7	2,3	23,4	0,6	9,0	4,9	17,0	4,9
2. ársfj. <i>2nd quarter</i>	6,9	2,8	29,6	-0,3	9,9	6,1	13,9	7,2
3. ársfj. <i>3rd quarter</i>	5,6	2,9	23,3	-1,8	6,8	10,3	7,6	7,6
4. ársfj. <i>4th quarter</i>	8,6	0,9	35,9	1,8	14,0	12,3	20,6	11,2
2005²	12,9	3,5	35,7	0,0	15,8	7,2	29,4	7,4
1. ársfj. <i>1st quarter</i>	9,8	2,8	24,7	0,4	11,3	2,1	24,2	3,8
2. ársfj. <i>2nd quarter</i>	15,6	3,7	26,2	-1,8	13,5	21,7	27,5	10,4
3. ársfj. <i>3rd quarter</i>	14,2	3,3	49,0	2,4	22,3	3,4	34,5	10,2
4. ársfj. <i>4th quarter</i>	12,0	4,4	40,6	-1,0	15,8	2,6	30,6	5,5
2006²	4,4	4,0	20,4	1,1	9,3	-5,0	10,2	4,4
1. ársfj. ² <i>1st quarter²</i>	11,6	4,2	39,8	-0,2	15,9	-0,1	26,1	6,8
2. ársfj. ² <i>2nd quarter²</i>	5,2	2,8	24,4	2,2	11,6	-6,8	12,3	4,8
3. ársfj. ² <i>3rd quarter²</i>	1,4	4,2	6,2	1,0	4,1	-6,4	0,1	2,5
4. ársfj. ² <i>4th quarter²</i>	0,2	4,7	17,3	1,4	6,9	-6,2	5,8	3,8
2007²	4,3	4,2	-13,7	-0,6	-1,4	18,1	-1,4	4,9
1. ársfj. ² <i>1st quarter²</i>	-1,7	4,2	-19,5	-0,9	-6,3	16,2	-9,2	2,1
2. ársfj. ² <i>2nd quarter²</i>	3,5	4,6	-4,1	0,1	1,5	6,8	-1,1	4,6
3. ársfj. ² <i>3rd quarter²</i>	7,2	3,6	-1,5	-0,7	3,6	6,3	0,5	6,3
4. ársfj. ² <i>4th quarter²</i>	8,2	4,4	-28,0	-1,0	-4,3	46,2	3,7	6,3
2008²	...	...	...	...	...	...	...	...
1. ársfj. ² <i>1st quarter²</i>	6,2	4,4	-4,7	0,1	3,3	-0,5	0,3	3,3
2. ársfj. ² <i>2nd quarter²</i>	-3,2	3,8	-25,8	-0,5	-8,0	24,9	-12,0	5,0

Skýring *Note:* Sjá töflu 1. *Cf. table 1.*¹ Hlutfallstölurnar sýna vöxt eða samdrátt í birgðabreytingu milli ára sem hlutföll af landsframleiðslu sama fjórðungs fyrra árs, keðjutengdu verðmæti, viðmiðunarár 2000. *The figures express the increase or reduction in inventories as a percentage of GDP in the same quarter of the previous year, chain-volume measures, reference year 2000.*² Bráðabirgðatölur. *Preliminary figures.*

Tafla 3. Ársbreyting landsframleiðslu eftir ársfjórðungum 2004–2008, árstíðaleiðrétt*Table 3. Seasonally adjusted annual GDP volume growth 2004–2008*

	Einkaneysla <i>Household final consumption</i>	Samneysla <i>Government final consumption</i>	Þjóðar- útgjöld <i>National Expenditure</i>	Út- flutningur <i>Exports</i>	Inn- flutningur <i>Imports</i>	Verg lands- framleiðsla <i>GDP</i>
Raunbreyting frá sama tímabili árið áður, % <i>Volume change on the same quarter of the previous year, %</i>						
2004	7,0	2,2	9,9	8,4	14,5	7,7
1. ársfjórðungur <i>1st quarter</i>	6,3	2,2	8,7	5,0	16,6	4,7
2. ársfjórðungur <i>2nd quarter</i>	6,5	2,6	10,0	5,2	13,9	7,1
3. ársfjórðungur <i>3rd quarter</i>	6,2	2,9	6,9	11,4	9,0	7,8
4. ársfjórðungur <i>4th quarter</i>	8,9	1,3	14,3	12,1	18,9	11,4
2005¹	12,9	3,5	15,8	7,2	29,4	7,5
1. ársfjórðungur <i>1st quarter</i>	9,9	2,7	11,6	2,8	23,3	3,7
2. ársfjórðungur <i>2nd quarter</i>	15,0	3,6	13,7	20,6	28,8	10,3
3. ársfjórðungur <i>3rd quarter</i>	14,6	3,3	22,2	4,1	37,1	10,4
4. ársfjórðungur <i>4th quarter</i>	12,2	4,6	15,6	2,6	28,1	5,6
2006¹	4,4	4,0	9,3	-5,0	10,2	4,4
1. ársfjórðungur ¹ <i>1st quarter¹</i>	11,7	4,1	16,3	0,3	25,4	6,7
2. ársfjórðungur ¹ <i>2nd quarter¹</i>	4,8	2,8	11,6	-8,1	13,2	4,7
3. ársfjórðungur ¹ <i>3rd quarter¹</i>	1,4	4,3	3,6	-6,3	1,2	2,5
4. ársfjórðungur ¹ <i>4th quarter¹</i>	0,3	4,7	6,7	-5,7	3,5	3,9
2007¹	4,3	4,2	-1,4	18,1	-1,4	4,9
1. ársfjórðungur ¹ <i>1st quarter¹</i>	-1,2	4,1	-5,6	15,7	-7,8	2,1
2. ársfjórðungur ¹ <i>2nd quarter¹</i>	3,5	4,6	1,5	6,2	-0,4	4,6
3. ársfjórðungur ¹ <i>3rd quarter¹</i>	7,1	3,7	3,2	7,4	1,0	6,4
4. ársfjórðungur ¹ <i>4th quarter¹</i>	8,0	4,4	-4,5	43,8	1,6	6,4
2008¹	...	...	...	...	...	...
1. ársfjórðungur ¹ <i>1st quarter¹</i>	6,5	4,3	3,2	0,8	0,4	3,2
2. ársfjórðungur ¹ <i>2nd quarter¹</i>	-3,1	3,8	-7,8	25,2	-11,4	4,9

Skýring *Note:* Sjá töflu 1. *Cf. table 1.*¹ Bráðabirgðatölur. *Preliminary figures.*

Tafla 4. Ársfjórðungsleg breyting landsframleiðslu 2004–2008, árstíðaleiðrétt**Table 4. Seasonally adjusted quarterly volume growth in GDP 2004–2008**

	Einkaneysla <i>Household final consumption</i>	Samneysla <i>Government final consumption</i>	Þjóðar- útgjöld <i>National Expenditure</i>	Út- flutningur <i>Exports</i>	Inn- flutningur <i>Imports</i>	Verg lands- framleiðsla <i>GDP</i>
Raunbreyting frá fyrra ársfjórðungi, % Percentage change on the previous quarter						
2004						
1. ársfjórðungur <i>1st quarter</i>	2,2	0,9	7,0	8,3	5,1	9,9
2. ársfjórðungur <i>2nd quarter</i>	0,4	0,9	1,3	-7,3	4,0	-3,6
3. ársfjórðungur <i>3rd quarter</i>	2,2	0,6	-1,0	12,6	1,8	1,9
4. ársfjórðungur <i>4th quarter</i>	3,9	-1,0	6,5	-0,9	6,8	3,1
2005¹						
1. ársfjórðungur <i>1st quarter</i>	3,1	2,3	4,5	-0,7	9,1	2,4
2. ársfjórðungur <i>2nd quarter</i>	5,1	1,8	3,3	8,8	8,6	2,6
3. ársfjórðungur <i>3rd quarter</i>	1,8	0,2	6,3	-2,8	8,4	2,0
4. ársfjórðungur <i>4th quarter</i>	1,7	0,3	0,8	-2,3	-0,2	-1,4
2006¹						
1. ársfjórðungur ¹ <i>1st quarter¹</i>	2,7	1,8	5,0	-2,9	6,8	3,4
2. ársfjórðungur ¹ <i>2nd quarter¹</i>	-1,4	0,5	-0,9	-0,2	-2,0	0,7
3. ársfjórðungur ¹ <i>3rd quarter¹</i>	-1,5	1,7	-1,3	-0,9	-3,2	-0,2
4. ársfjórðungur ¹ <i>4th quarter¹</i>	0,5	0,6	3,7	-1,7	2,1	-0,0
2007¹						
1. ársfjórðungur ¹ <i>1st quarter¹</i>	1,1	1,2	-7,0	19,1	-4,9	1,6
2. ársfjórðungur ¹ <i>2nd quarter¹</i>	3,3	1,1	6,6	-8,4	5,9	3,2
3. ársfjórðungur ¹ <i>3rd quarter¹</i>	1,9	0,8	0,4	0,2	-1,8	1,5
4. ársfjórðungur ¹ <i>4th quarter¹</i>	1,4	1,3	-4,0	31,6	2,7	-0,1
2008¹						
1. ársfjórðungur ¹ <i>1st quarter¹</i>	-0,3	1,1	0,5	-16,5	-6,1	-1,4
2. ársfjórðungur ¹ <i>2nd quarter¹</i>	-5,9	0,6	-4,8	13,6	-6,4	4,9

Skýring Note: Sjá töflu 1. Cf. table 1.

¹ Bráðabirgðatölur. Preliminary figures.**Hagtiðindi**
Statistical Series

93. árgangur nr. 54

ISSN 0019-1078

Þjóðhagsreikningar
National accounts

2008:9

ISSN 1670-4657 (pappír *paper*) • ISSN 1670-4665 (pdf)Verð ISK 500 *Price EUR 7*Umsjón *Supervision* Guðrún Þórdís Guðmundsdóttir • gudrun.gudmundsdottir@hagstofa.isSími *Telephone* +(354) 528 1000Bréfasími *Fax* +(354) 528 1099© Hagstofa Íslands *Statistics Iceland* • Borgartúni 21a 150 Reykjavík IcelandÖllum eru heimil afnot af ritinu. Vinsamlega getið heimildar. *Please quote the source.*

www.hagstofa.is/hagtidindi www.statice.is/series